



ZAČALO SVÄTAGO JEVANĜELIJA OT IVANA

ISKONI bě Slovo, i Slovo bě u Boga, i Bog bě Slovo. Se bě iskoni u Boga. Vsja těm byša: i bez njego ničesože ne byst, ježe byst: v tom život bě, i život bě svět člověkom: i svět vo tmě svetit sä, i tma jeho ne objat. Byst člověk poslan ot Boga, jemuže bě imä Ivan. Se pride vo svěděteltstvo, da svěděteltstvujet o světě, da vsi věru imut jim. Ne bě to svět, no da svěděteltstvujet o světě. Bě svět istinny, iže prosvěcajet vsakogo člověka greducago v mir se. V mirě bě, i mir těm byst, i mir jeho ne pozna. Vo svoja pride, i svoji jeho ne prijaša. Jeliko že jih přijat i, dast jim oblast čadom Božijem byti, věrujucim v imä jeho: iže ne ot krve, ni ot pohoti pltskyja, ni o pohoti mužaskyje, no ot Boga rodiša sä. **Prěklonit kolěno glagolja:** I Slovo plt byst, **i vstav poslědujet:** i vseli sä v ny: i viděhom slavu jeho, slavu jako Jedinočadago ot Otca, ispln blagoděti i istiny.

Vodu prilivajemu v Kalež, blagoslovit glagolja:

BOŽE, ✠ iže človečkago sucestva dostojanstvo divno sozdal, i divněje obnovil jesi: daz nam seja vody i vina tajnoju, togo božstva biti obecnikom, iže človečestva našego izvoli byti pričastnik, Isu-Hrst Syn tvoj, Gospod naš: Iže s tobou živet i césarstvujet v jedinstvě Duha Svätago Bog: vo vsä věky věkov. Amen.

Ijerěj umyvajet rucě, glagolja:

UMYJU v nepovinnyh rucě moji: i obidu oltař tvoj, Gospodi: * Da uslyšu glas hvaly, i pověm vsa čudesa tvoja. * Gospodi, vozljubih krasotu domu tvojego, i město seljenja slavy tvojeja. * Ne pogubi s nečestivymi, Bože, duša mojeja, i s muži krvij života mojego: * V jihže ruku bezakonija sut: desnica jih isplni sä myt. * Az že nezloboju mojeju hodih: izbavi me, i pomiluj mä. * Noga moja sta na pravotě: v crkvah blagoslovlju tä, Gospodi. * Slava Otcu, i Synu, i Duhu Svätomu. * Jakože bě iskoni, i nyně, i vseгда: i vo věky věkov.

TĚLO tvoje, Gospodi, ježe prijah, i Krv, juže pih, da prilěpit sä utrobě mojej: i podaz; da vo mně ne ostanet grěhovna skvrna, jegože čistyja i svätýja nasytiša Tajny. Iže živeši i césarstvuješ i vo věky věkov. Amen.